



Dana: 11.06.2007. god.
Broj: 02-23-411/07

U skladu sa Strateškim planom razvoja, Općinski načelnik raspisuje:

JAVNI POZIV za dostavu aplikacija (prijedloga) za investicije

Jedan od strateških ciljeva Općine Fojnica jeste povećanje stepena uključenosti zajednice, građana i mjesnih zajednica u procesu planiranja i odlučivanja kao i veća transparentnost u upravi. U cilju podrške većem učešću javnosti u procesu planiranja i razvoja zajednice, Općina Fojnica je uspostavila mehanizam u vidu Komisije planiranje općinskog razvoja, za ostvarivanje kontinuiranog i trajnog, šireg dijaloga između civilnog društva, mjesnih zajednica i lokalnih organa vlasti. Zadatak ove komisije je da provodi postupak utvrđivanja potreba zajednice i pripremi prioritete za finansiranje iz budžeta Općine Fojnica iz sredstava namjenjenih za kapitalne investicije.

Ovakav program će prije svega biti :

- Osnovni i jedini uspješan način za dobijanje vanjskih sredstava – donacija, grantova i subvencija,
- Način da se dobije pristup finansiranju inostranih sponzora, koji zahtijevaju postojanje Programa,
- Osnova za koordinirane investicione aktivnosti, kao i garancija da će na raspolaganju biti odgovarajući vremenski period neophodan za pripremu svake investicije,
- Odličan način komunikacije sa stanovništvom, lokalnim privatnim preduzetnicima, nevladinim organizacijama, drugim općinama, okruženjem , regionom i raznim lokalnim subjektima koje susrećemo na putu razvoja,

Program će biti usvojen od strane Općinskog vijeća prije usvajanja budžeta za narednu godinu, i obuhvatiti će investicije u vrijednosti od 10.000 do 50.000 KM, a koje se odnose na organizovanu izgradnju, modernizaciju i poboljšanje tehničke i društvene infrastrukture Općine.

Program će biti razrađen na osnovu jedinstvenog obrasca tzv. «Prijedloga za investiranje», predloženog u obliku koji je odredio načelnik Općine.

Poziv za prijedloge projekata je otvoren od 11. juna do 02. jula 2007. godine (do 15:00 h).

Sastavni dio Javnog poziva je „Aplikacija za projekte općine Fojnica“, koja se može podići na Info pultu Centra za pružanje usluga građanima općine Fojnica.

Popunjene aplikacije se predaju na Info pultu Centra za pružanje usluga građanima općine Fojnica.

**OPĆINA FOJNICA
OPĆINSKI NAČELNIK**

Salkan Merdžanić, dipl. ing.